

KJKP "RAD" d.o.o. SARAJEVO

-DIREKTOR-

Broj: 05-03-04- /18

Sarajevo, 16.04.2018. godine

Na osnovu člana 70. Zakona o javnim nabavkama ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, direktor donosi

ODLUKU

o izboru najpovoljnijeg ponuđača za nabavku građevinskog materijala – LOT 1

I

Kao najpovoljnijeg ponuđača za nabavku građevinskog materijala – LOT 1, odabiram ponudu ponuđača "SENIGOR" d.o.o. Sarajevo.

OBRAZLOŽENJE

KJKP "RAD" je dana 08.02.2018. godine na portalu javnih nabavki BiH objavilo Obavještenje o nabavci kroz otvoreni postupak sa međunarodnom objavom obavještenja za izbor najpovoljnijeg ponuđača za nabavku ostalih građevinskih materijala, sa rokom dostave ponuda 27.03.2018. godine.

Po otvorenom postupku za nabavku pristigle su dvije (2) ponude i to ponude firmi „PENNY PLUS“ d.o.o. Sarajevo i „SENIGOR“ d.o.o. Sarajevo.

Komisija za nabavku u toku provođenja otvorenog postupka i nakon detaljnog pregleda dostavljene dokumentacije utvrdila je da su ponude gore navedenih ponuđača potpune i prihvatljive, u skladu sa zahtjevima iz Tenderske dokumentacije.

Cijeneći činjenice koje je Komisija imala u vidu pri odabiru najpovoljnije ponude Komisija je utvrdila rang listu ponuda koje su ocijenjene kao potpune i prihvatljive prema kriteriju objavljenom u tenderskoj dokumentaciji.

Rang lista ponuđača:

1. "PENNY PLUS" d.o.o. Sarajevo

Cijena (117.583,60 KM – 10% (preferencijalni tretman))

2. "SENIGOR" d.o.o. Sarajevo

Cijena (115.766,45 KM)

Obzirom da se radi o otvorenom postupku javne nabavke kojim je predviđeno sklapanje Okvirnog sporazuma sa jednim ponuđačem a da je broj prihvatljivih ponuda veći od jedan (1), cijeneći budžet ugovornog organa određen za nabavku predmeta javne nabavke od strane Komisije utvrđeno je da je zadovoljena stvarna konkurencija i daje preporuku Ugovornom organu da provede E-aukciju dana 13.04.2018. godine, u skladu sa informacijama o procesu e-aukcije datim u Tenderskoj dokumentaciji.

Ugovorni organ je dana 11.04.2018. godine zakazao E-aukciju za dan 13.04.2018. godine u 10:59 h. Nakon provedene E-aukcije utvrđena je konačna rang lista ponuđača a u skladu sa Izvještajem o toku i završetku E-aukcije.

Konačna rang lista ponuđača:

1. "SENIGOR" d.o.o. Sarajevo

Cijena (95.011,66 KM)

2. "PENNY PLUS" d.o.o. Sarajevo
Cijena (105.686,09 KM)

Komisija, u skladu sa istom, obzirom da je kriterij za dodjelu ugovora bio najniža cijena predlaže Ugovornom organu da ponudu ponuđača „SENIGOR“ d.o.o. Sarajevo prihvati kao najpovoljniju, budući da je dostavio svu potrebnu dokumentaciju i ponudio ukupnu cijenu od 95.011,66 KM bez uračunatog PDV-a.

Smatram da je Komisija pravilno postupila kada je uzela u obzir gore navedene kriterije i kada je predložila ponudu gore navedenog ponuđača kao potpuno prihvatljivu. Iz tih razloga prihvatam prijedlog Komisije i donosim odluku kao u dispozitivu.

PRAVNA POUKA:

Protiv ove Odluke može se uložiti žalba Ugovornom organu, odnosno KJKP "RAD", u pisanoj formi u roku od 10 dana od dana prijema ove Odluke kada je podnosilac saznao ili je trebao da sazna za navodnu povredu Zakona u toku konkretnog postupka

**DIREKTOR KJKP „RAD“
Selim Babić dipl.ing.građ.**

DOSTAVITI:

- Ponuđačima;
- Komercijalnoj službi;
- a/a